



GWASANAETH ERLYN Y GORON
CRYNODEB O STRATEGAETH A CHYNLLUN
BUSNES Y CPS (2008-11)

CPS



Cyflwyniad

Mae Gwasanaeth Erlyn y Goron (CPS) wedi datblygu cryn lawer dros y blynyddoedd diwethaf a bellach mae'n cael ei gydnabod yn rhan allweddol o'r system cyfiawnder troseddol, yn hanfodol o ran cyflwyno cyfiawnder yn effeithiol ac effeithlon.

Mae'r strategaeth a'r cynllun hwn yn adeiladu ar y cynnydd sylweddol a wnaed gan y CPS dros y pedair blynedd diwethaf. Ond rydym yn sylweddoli bod rhagor i'w wneud. Mae angen i ni ehangu'r mathau o adfocatiaeth y byddwn yn ymgymryd â nhw a gwella ansawdd ein gwaith yn y maes hwn; mae angen i ni gyfuno cadernid ein penderfyniadau cyhuddo â gwelliannau sy'n sicrhau ein bod yn effeithlon ac yn cefnogi ein partneriaid yn yr heddlu wrth ymdrin â'r troseddau sy'n cael yr effaith fwyaf ar ein cymunedau; ac mae angen i ni ganolbwyntio ein hymdrechion ar ran dioddefwyr a thystion er mwyn gwella ansawdd y gwasanaeth y gânt.

Ni fyddwn yn llwyddo oni bai fod ein hymddygiad yn cyfateb i'n dyheadau a bod gan ein pobl y gallu i gwrdd â'r heriau hyn. Mae angen i ni fod yn amlwg a rhagweithiol, gan sicrhau ein bod yn defnyddio ein dylanwad yn gadarnhaol i ennyn hyder yn ein partneriaid a'r cyhoedd - trwy'r gwasanaeth a ddarparwn a'r pethau a ddywedwn. Mae angen i ni ddangos y gwerth rydym yn ei ychwanegu

at y system cyfiawnder. Mae angen i ni ddangos ein bod yn llwyddo yn yr hyn rydym yn ceisio ei gyflawni - sef bod yn wasanaeth erlyn i'r cyhoedd.

Mae'r ddogfen grynoded hon yn rhoi disgrifiad byr ohonom ni a'r prif yrwyr strategol am y cyfnod rhwng 2008-11. Mae'n amlinellu gweledigaeth a strategaeth y CPS ar gyfer y cyfnod hwn, ein blaenoriaethau ar gyfer gweithredu yn 2008/09 a gweithgareddau eraill ar gyfer y ddwy flynedd ddilynol a fydd yn sicrhau ein bod yn mynd i'r afael â'n blaenoriaethau.



Barwnes Scotland

Barwnes Scotland QC
Twrnai Cyffredinol



Ken Macdonald

Syr Ken Macdonald QC
Cyfarwyddwr Erlyniadau Cyhoeddus



P. E. Lewis

Peter Lewis
Prif Weithredwr

Ynghylch y System Cyfiawnder Troseddol (CJS)

Y CJS yw un o'r prif wasanaethau cyhoeddus yn y wlad; mae'n cwmpasu gwaith Gwasanaeth yr Heddlu, Gwasanaeth Erlyn y Goron, Gwasanaeth Llysoedd Ei Mawrhydi, Gwasanaeth Cenedlaethol Rheoli Troseddwyr (sy'n cynnwys carcharau a phrawf) a'r Bwrdd Cyfiawnder Ieuencid.

O fewn llywodraeth ganolog, mae tair adran yn gyfrifol ar y cyd am y System Cyfiawnder Troseddol a'i hasiantaethau. Sef:

- Y Weinyddiaeth Gyfiawnder (MoJ) - sy'n gyfrifol am gyfraith trosedd a dedfrydu, am ostwng aildroseddu ac am lysoedd, carcharau a phrawf.
- Y Swyddfa Gartref (HO) - sy'n gyfrifol am ostwng troseddu, plismona, diogelwch a gwrthderfysgaeth, ffiniau a mewnfudo, pasportau a hunaniaeth.
- Swyddfa'r Twrnai Cyffredinol (AGO) - sy'n gyfrifol am waith Gwasanaeth Erlyn y Goron (CPS), Adran Cyfreithwyr y Trysorlys (TSol), Swyddfa Twyll Difrifol (SFO), Swyddfa Erlyn Cyllid a Thollau (RCPO), ac Arolygiaeth Gwasanaeth Erlyn y Goron Ei Mawrhydi (HMCPSI). Y Twrnai Cyffredinol a'r Cyfreithiwr Cyffredinol (Swyddogion y Gyfraith) yw'r prif gynghorydd cyfreithiol i'r Llywodraeth ac maent yn gyfrifol am holl ymgysylltu'r Goron.

Swyddfa Diwygio Cyfiawnder Troseddol (OCJR) sy'n gyfrifol am gydgyssylltu ymdrechion y Weinyddiaeth Gyfiawnder, y Swyddfa Gartref a Swyddfa'r Twrnai Cyffredinol. Mae'n bwrw ymlaen â gwelliannau a bennir gan y Bwrdd Cyfiawnder Troseddol Cenedlaethol (NCJB). Mae'r NCJB yn cael ei gadeirio gan yr Ysgrifennydd Cartref, yr Ysgrifennydd Gwladol dros Gyfiawnder a'r Twrnai Cyffredinol. Yn lleol, bydd 42 Bwrdd Cyfiawnder Troseddol Lleol (LCJB) yn cydgyssylltu gweithgarwch a rhannu cyfrifoldeb dros gyflwyno cyfiawnder troseddol yn eu Rhanbarth.

Ynghylch Gwasanaeth Erlyn y Goron (CPS)

Y CPS yw'r sefydliad mwyaf i gael ei arolygu gan y Twrnai Cyffredinol, ac fe'i sefydlwyd yn 1986 fel awdurdod annibynnol i erlyn achosion troseddol y bydd yr heddlu yng Nghymru a Lloegr yn ymchwilio iddynt. Wrth ymgymryd â'r rôl hon, bydd y CPS yn:

- Cynghori'r heddlu yn ystod camau cynnar ymchwiliadau
- Pennu'r cyhuddiadau priodol ym mhob achos heblaw'r rhai lleiaf
- Adolygu pob achos yn barhaus a phenderfynu pa achosion ddylai gael eu herlyn
- Paratoi achosion i'w herlyn yn y llys ac erlyn yr achosion gydag adfocadau mewnol neu gyfarwyddo asiantau a chwmsler i gyflwyno achosion
- Rhoi gwybodaeth a chymorth i ddioddefwyr a thystion yr erlyniad.



Gyrwyr Strategol

Wrth ail-lunio ein gweledigaeth a'n strategaeth, rhoddwyd ystyriaeth i nifer o yrwyr busnes allanol a mewnol:

- Prif strategaethau a chynlluniau'r Llywodraeth:
 - > *Cutting Crime: A New Partnership 2008-11*, sy'n fwy adnabyddus fel y Strategaeth Droseddu
 - > *Working Together to Cut Crime and Deliver Justice* - Cynllun Strategol y CJS ar gyfer 2008-11
- Mae dau Gytundeb Gwasanaeth Cyhoeddus (PSA) yn fwyaf uniongyrchol berthnasol i waith y CPS a'r system cyfiawnder troseddol ehangach, sy'n eiddo ar y cyd i'r Swyddfa Gartref, y Weinyddiaeth Gyfiawnder a Swyddfa'r Trwnai Cyffredinol
 - > PSA 24 sydd â'r nod o gyflwyno System Cyfiawnder Troseddol fwy effeithiol, eglur ac ymatebol i ddioddefwyr a'r cyhoedd
 - > PSA 23 'Gwneud cymunedau yn fwy diogel' sy'n canolbwyntio ar amddiffyn y cyhoedd rhag trosedd treisgar difrifol, gostwng lefel trosedd meddiangar difrifol, mynd i'r afael â materion ymddygiad gwrthgymdeithasol, a lleihau aildroseddu

- Amcan Strategol Adrannol (DSO) y CPS: Dod â throreddwyr gerbron llys, gwella gwasanaethau i ddioddefwyr a thystion a hybu hyder, trwy gymhwyso'r Côt ar gyfer Erlynwyr y Goron, gan fabwysiadu ymagwedd gymesur i benderfynu ba droseddwyr y dylid eu cyhuddo a pha rai y dylid eu dargyfeirio o'r llys, a thrwy gyflwyno achosion yn gadarn a theg yn y llys
- Adnoddau'r CPS: Yn debyg i lawer o adrannau, fe osodwyd targedau ariannol heriol i'r CPS a bydd y gyllideb i'r CPS yn gostwng mewn termau real dros dair blynedd y cyfnod CSR07 yn ôl 3.5% y flwyddyn
- Argymhellion yn dilyn yr Adolygiad Gallu: mae'r CPS wedi cydnabod bod ganddo nifer o feysydd allweddol ble bydd angen rhagor o welliannau os yw'n mynd i gyflawni dros y 3 i 5 mlynedd nesaf. Er enghraifft, ein bod yn meithrin balchder mewn rhagoriaeth gan werthfawrogi cyfraniadau ein holl bobl i'r busnes, yn enwedig wrth gyflwyno'r busnes creiddiol yn y llysoedd ynadon.

Gweledigaeth y CPS

Mae'r CPS yn wasanaeth erlyn sy'n hyderus ac annibynnol, yn effeithlon ac effeithiol - yn datblygu i fod o ansawdd byd-eang. Y mae popeth a wnawn yn ceisio cyflwyno cyfiawnder i bawb a gwneud ein cymunedau yn fwy diogel.



Rhaglenni gwaith y CPS sy'n cael blaenoriaeth

Er mwyn cynorthwyo i wireddu'r weledigaeth hon, mae'r CPS wedi nodi chwe rhaglen flaenoriaeth ar gyfer 2008/9 a thu hwnt:

- **Gwella perfformiad yn y llysoedd ynadon**
- **Cwblhau a sefydlu ein Strategaeth Adfocatiaeth**
- **Canolbwyntio ein cefnogaeth ar gyfer dioddefwyr a thystion**
- **Chwarae ein rhan i gyflawni targedau PSA y cytunwyd arnynt ar gyfer 2008-11: cyfraniadau eraill**
- **Ad-drefnu ein model cyflwyno i wella perfformiad, yn enwedig mewn achosion difrifol, a rhoi gwell gwerth am arian**
- **Sicrhau ein bod yn arwain a rheoli'n dda i gael y gorau gan holl bobl y CPS, a'n bod yn ymgysylltu â nhw, â'n partneriaid a'n cymunedau i wella ein gwasanaeth.**

Tra bo'r pedair gyntaf yn rhaglenni penodol sy'n ceisio newid yr hyn a wnawn, mae'r bumed a'r chweched yn ymwneud â newid y ffordd yr ydym yn gwneud pethau, i'n gwneud yn fwy effeithlon fel sefydliad a newid ein hymddygiad er mwyn sicrhau ein bod yn cyflawni'r holl flaenoriaethau eraill, gan symud tuag at ddiwylliant o welliant parhaus a gwneud y CPS yn sefydliad o ansawdd byd-eang.

GWELLA PERFFORMIAD YN Y LLYSOEDD YNADON

Gweithgareddau busnes		2008-09		2009-10	2010-11
Teitl y prosiect	Disgrifiad o'r prosiect	Canlyniadau disgwylidig	Cerrig milltir lefel uchel	Canlyniadau a cherrig milltir	Canlyniadau a cherrig milltir
<p>Y Model Busnes Optimwm (OBM)</p> <p>Perchennog Mike Kennedy</p>	<p>Nod OBM yw adolygu a nodi arferion gorau i wella effeithlonrwydd ac effeithiolrwydd prosesau llysoedd ynadon</p>	<p>Gyrru gwelliannau effeithlonrwydd gweithredol fel rhan o gylch gwelliant parhaus ar draws Rhanbarthau'r CPS</p>	<p>Erbyn Medi 2008 - pob Rhanbarth i fod wedi gweithredu OBM</p>	<p>Datblygu arweinwyr a rheolwyr ar draws y CPS i gefnogi diwylliant o welliannau parhaus ar bob lefel</p>	<p>Ymestyn ymdriniaeth OBM i feysydd eraill ym musnes y CPS</p>
<p>Cyfiawnder Troseddol Syml, Cyflym, Diannod yn y Llysoedd ynadon (CJSSS-MC) ac yn y Llys Ieuenctid (CJSSS-YC)</p> <p>Perchennog Mike Kennedy</p>	<p>Nod CJSSS yw gwneud cyfiawnder yn gyflymach, mwy effeithlon ac effeithiol - i wella'r CJS ar gyfer dioddefwyr, tystion a throseddwyr yn ogystal â'r cyhoedd</p>	<p>Penderfynu ar fwyafrif y pledion euog o fewn y gwrandawriad cyntaf</p> <p>Penderfynu ar fwyafrif yr achosion a ymleddir o fewn dau/tri gwrandawriad</p> <p>Mwyafrif yr achosion cyhuddiad syml i gymryd ar gyfartaledd dim mwy na chwe wythnos o'r cyhuddiad i'r penderfyniad</p>	<p>Erbyn Ebrill 2008 - bod wedi gorffen cyflwyno hyn ar draws pob un o'r 42 Rhanbarth</p> <p>Erbyn Mawrth 2009 - ymestyn a chwblhau cyflwyno CJSSS yn y Llys Ieuenctid ar draws y 36 Rhanbarth sy'n weddill</p>	<p>Delio â mwyafrif cynyddol o bledion euog yn y gwrandawriad cyntaf; penderfynu ar achosion a ymleddir o fewn dau/tri gwrandawriad; a dechrau'r achosion cyhuddiad syml o fewn chwe wythnos i'r gwrandawriad cyntaf</p>	

Datblygu dulliau cymesur o ymdrin ag achosion syml (gelwir hyn yn Broses Symlach - SP)

Perchennog
Mike Kennedy

Nod SP yw cyflwyno ffordd fwy gymesur o baratoi erlyniad ar gyfer pledion euog a ragwelir a phledion dieuog a ragwelir, y ddau yn addas i'w penderfynu yn y llys ynadon

Cyflwyno trefn symlach o lunio ffeil ar gyfer y gwrandawriad cyntaf

O fis Medi 2008 - os bydd gwerthusiad o'r Rhanbarthau prawf yn gadarnhaol - cytuno ar raglen gyflwyno gyda phartneriaid yn yr heddlu

Cwblhau rhaglen gyflwyno y cytunwyd arni a dechrau gweld y manteision

Mireinio'r broses symlach yn unol â chasgliadau'r Adolygiad Ôl-weithredol (PIR) a chynyddu'r manteision

Rhybuddio amodol

Perchennog
Mike Kennedy

Y nod yw dargyfeirio achosion oddi wrth y llysoedd ynadon trwy rybuddio amodol: penderfyniad a wneir gan erlynydd y CPS

Cynnydd parhaus yn nifer y rhybuddion amodol a roddir, a thrwy hynny ddargyfeirio achosion addas oddi wrth y llysoedd ynadon

Goruchwylio newidiadau i rybuddio amodol o ganlyniad i'r Codau Ymarfer newydd

Erbyn Mehefin 2008 - ceisio cymeradwyaeth gweinidogol ar gyfer Codau Ymarfer Diwygiedig ar gyfer rhybuddio amodol

Sefydlu rhybuddio amodol fel dull gan y CPS i gyfrannu at gyfiawnder cyflymach ac atal aildroseddu

Gwerthuso effaith rhybuddio amodol ar lwyth achosion llysoedd ynadon ac aildroseddu

ADFOCATIAETH FEWNOL

Gweithgareddau busnes		2008-09		2009-10	2010-11
Teitl y prosiect	Disgrifiad o'r prosiect	Canlyniadau disgwyliedig	Cerrig milltir lefel uchel	Canlyniadau a cherrig milltir	Canlyniadau a cherrig milltir
<p>Strategaeth Adfocatiaeth</p> <p>Perchennog Mike Kennedy</p>	<p>Nod y Strategaeth Adfocatiaeth yw trawsnewid y CPS yn Wasanaeth sy'n mynd ati fel mater o drefn i gynnal ei adfocatiaeth ei hun, o ansawdd uchel, ym mhob llys ac ar draws yr ystod lawn o achosion. Bydd hyn o fantais i'r CPS, y system cyfiawnder troseddol (CJS) ehangach, a'r cyhoedd</p>	<p>Bydd cynnydd yn y gwasanaeth mewnol yn genedlaethol mewn llysoedd ynadon yn arwain at achosion yn symud yn well trwy'r llysoedd a bydd yn cynyddu profiad cyfreithyddion o adfocatiaeth treialon ynadol</p> <p>Bydd defnyddio mwy ar Weithwyr Achosion Penodol Dynodedig (DCW) cenedlaethol mewn llysoedd ynadon yn darparu adfocatiaeth un pwrpas a chymesur mewn llysoedd ynadon gydag achosion syml, gan ryddhau cyfreithyddion i ganolbwyntio ar faterion mwy cymhleth</p> <p>Bydd defnyddio mwy ar Adfocadau Llysoedd Uwch (HCA) yn Llysoedd y Goron yn rhoi mwy o brofiad o adfocatiaeth treialon i gyfreithyddion y CPS a gwella gwerth am arian</p>	<p>Erbyn Mai 2008 - sicrhau estyn pwerau statudol DCW</p> <p>Datblygu a chyflwyno Strategaeth Rheoli Ansawdd Adfocatiaeth i gefnogi gwelliannau parhaus yn safon adfocatiaeth fewnol</p>	<p>Cwblhau a gwerthuso cyunlluniau braenaru DCW treialon ynadol</p> <p>Cynyddu'r defnydd o HCA yn Llys y Goron, yn enwedig mewn treialon sylweddol o hyd at bum niwrnod, a thu hwnt</p> <p>Cynyddu'r defnydd o DCW a faint sy'n fewnol mewn llysoedd ynadon ym mhob Rhanbarth</p> <p>Cynnal adroddiad dilynol ar sail Asesiad Effaith Cydraddoldeb (EIA) 2007 a'i argymhellion</p>	<p>Cwblhau cyflwyno pwerau treialon ynadol DCW yn genedlaethol</p> <p>Cynyddu'r defnydd o HCA yn Llys y Goron, yn enwedig mewn treialon cymhleth o hyd at 10 diwrnod a thu hwnt, ac mewn achosion costus, yn ai fel adfocad unigol neu fel adfocad ieuaf</p> <p>Cynyddu'r defnydd o DCW a faint sy'n fewnol mewn llysoedd ynadon</p> <p>Mawrth 2011 - cau'r rhaglen</p>

Mwy o brofiad o adfocatiaeth treialon yn y llysoedd ynadon a Llysoedd y Goron yn gwella perfformiad yn gyffredinol, gan gynnwys cyhuddo ac adeiladu achosion yn effeithiol, gan arwain at well gwasanaeth i ddioddefwyr, tystion a'r cyhoedd



GOFAL I DDIODDEFWYR A THYSTION

Gweithgareddau busnes		2008-09		2009-10	2010-11
Teitl y prosiect	Disgrifiad o'r prosiect	Canlyniadau disgwylidig	Cerrig milltir lefel uchel	Canlyniadau a cherrig milltir	Canlyniadau a cherrig milltir
<p>Gweithredu Strategaeth Dioddefwyr a Thystion 2008-11</p> <p>Perchennog Mike Kennedy</p>	<p>Am y tro cyntaf, mae Strategaeth Dioddefwyr a Thystion 2008-11 yn rhoi strategaeth unedig i gyflwyno gweledigaeth y CPS i eiriol dros gyfiawnder a hawliau dioddefwyr a thystion</p>	<p>Proses erlyn gryfach trwy sicrhau bod dioddefwyr a thystion yn mynychu ac yn gallu rhoi eu tystiolaeth orau, a gwneud gwelliant sylweddol yn safonau gofal dioddefwyr a thystion sy'n cyfrannu at ganlyniadau gwasanaeth cyhoeddus perthnasol a gynhwysir yn nharged PSA Cyfiawnder (PSA 24)</p>	<p>Erbyn Gorffennaf 2008 - adolygu effaith y Cynllun Gweithredu ar Gyfathrebu yn Uniongyrchol â Dioddefwyr (DCV) ac asesu a oes angen gweithredu pellach</p> <p>Erbyn Mawrth 2009 - Datblygu dull effeithiol o werthuso gwasanaethau i ddiodeswyr a thystion a fydd yn ceisio barn y tu hwnt i'r Arolwg Profiad Tystion a Dioddefwyr (WAVES)</p>	<p>Erbyn Mawrth 2010 - adolygiad amlddisgyblaethol o adnoddau a neilltuir i ofal diodeswyr a thystion</p> <p>Cyhoeddi datganiad polisi cyhoeddus cynhwysfawr ar ofal diodeswyr a thystion gan y CPS</p>	<p>Erbyn Medi 2010 - ymarferiad rhychwantu ar gyfer datblygu polisi yn y dyfodol a'r gefnogaeth weithredol sydd ei hangen i hysbysu Strategaeth Dioddefwyr a Thystion 2012-14</p> <p>Erbyn Mawrth 2011 - adolygu a gwerthuso polisiau allweddol gofal diodeswyr a thystion</p>

Strategaeth trais yn erbyn menywod (VAW)

Perchnogion
Séamus Taylor
Roger Daw

Nod y strategaeth yw sicrhau y gellir cydgyssylltu amrediad o droseddau sy'n dod dan ambarél VAW, a rhoi gwell ymateb wrth erlyn. Mae'r rhain yn cynnwys trais yn y cartref (DV), treisio, troseddau rhywiol, troseddau anrhydedd, puteindra a'r fasnach mewn pobl

Gwella erlyniadau troseddau VAW (canlyniadau aflwyddiannus VAW yn gostwng yn gyffredinol i: 29%, DV: 28%, treisio: 41%, a throseddau rhywiol eraill: 28%)

Gwella cefnogaeth i ddioddefwyr

Gwella ein dealltwriaeth o faterion cydraddoldeb ac amrywiaeth o fewn troseddau VAW a mynd i'r afael ag unrhyw anghyfartaledd

Erbyn Mehefin 2008 - sefydlu 36 Llys DV Arbenigol gyda chefnogaeth wedi'i theilwra ar gyfer dioddefwyr

Cwblhau hyfforddiant DV i erlynwyr, gweithwyr achosion penodol a DCW

Ehangu'r dangosydd VAW i gynnwys rhagor o linyrnau VAW
Cyhoeddi adroddiad perfformiad VAW o ddata 2008/09

Gweithio gydag Adnoddau Dynol i ymdrin ag unrhyw faterion VAW yn y polisïau ac arferion staff

Erbyn 2010 - dangosydd VAW i gynnwys monitro perfformiad DV, treisio, troseddau rhywiol, priodas dan orfod, troseddau anrhydedd bondigrbywyll, cam-drin plant, troseddau yn erbyn pobl hŷn, puteindra a'r fasnach mewn pobl

Cyhoeddi Adroddiad Perfformiad VAW o ddata 2009/10

Mesur bodlonrwydd, diogelwch a mynediad at gefnogaeth i ddioddefwyr

Adnewyddu Datganiad Polisi Cyhoeddus y CPS ar Dreisio

Perchennog
Roger Daw

Diweddarau dogfen sydd eisoes yn bod, i roi ystyriaeth i newidiadau yn y gyfraith ac arferion a threfniadau'r CPS ers cyhoeddi'r argraffiad cyntaf

Disgrifio safon y gwasanaeth y gall y cyhoedd ei ddisgwyl mewn perthynas ag achosion o dreisio a chynyddu hyder y cyhoedd yn y CJS

Gwella erlyniadau treisio

Mwy o gefnogaeth i ddioddefwyr treisio

Gostwng cyfradd athreuliad mewn achosion treisio

Erbyn diwedd Hydref 2008 - ei gymeradwyo gan y DPP a Swyddogion y Gyfraith, a lansio

Sicrhau bod canllawiau wedi'u diweddarau trwy ychwanegu datblygiadau cyfraith achosion deddfwriaethol ac unrhyw ddatblygiadau trefniadol

Cwblhau hyfforddiant pob erlynydd arbenigol ar dreisio

CHWARAE EIN RHAN YN CYFLAWNI TARGEDAU PSA CYTÛN AR GYFER 2008-11: CYFRANIADAU ERAILL

Gweithgareddau busnes		2008-09		2009-10	2010-11
Teitl y prosiect	Disgrifiad o'r prosiect	Canlyniadau disgwyliedig	Cerrig milltir lefel uchel	Canlyniadau a cherrig milltir	Canlyniadau a cherrig milltir
<p>Adennill asedau</p> <p>Perchennog Mike Kennedy</p>	<p>Y nod yw gwireddu'r buddiannau yn sgil deddfwriaeth elw troseddau (POCA)</p>	<p>Cyfrannu at y targed gorfodi ar gyfer pob asiantaeth, sef adennill £200m o asedau troseddol, gydag £120m yn dod o atafaelu</p>	<p>Erbyn Mawrth 2009 - cynyddu'r defnydd o adfocadau POCA arbenigol trwy hyfforddiant HCA arbenigol</p>	<p>Cyfrannu at y targed ar gyfer pob asiantaeth, sef adennill £250m o asedau troseddol erbyn 2009/10, gydag £150m yn dod o atafaelu</p>	<p>Targedau gorfodi pob asiantaeth eto i'w cytuno</p> <p>Uchelgais y Swyddfa Gartref yw amddifadu troseddwy'r o hyd at £1 biliwn y flwyddyn yn y tymor hir</p>
<p>Deddfwriaeth ymddygiad gwrth-gymdeithasol</p> <p>Perchennog Mike Kennedy</p>	<p>Gwella'r ffordd y mae'r CPS yn gweithredu deddfwriaeth Ymddygiad Gwrthgymdeithasol (ASB) a gweithio gydag asiantaethau partner i fynd i'r afael ag ymddygiad gwrthgymdeithasol</p>	<p>Gwelliannau i ymateb y CPS i ymddygiad gwrthgymdeithasol trwy hyfforddiant mewnol a rhyngasiantaethol</p> <p>Gweithio'n agosach mewn partneriaeth</p> <p>Erlynwyr ASB arbenigol</p>	<p>Erbyn Mai 2008 - rhwydwaith cenedlaethol o erlynwyr yn arwain ar waith ymddygiad gwrthgymdeithasol y CPS wedi'i sefydlu</p>	<p>Rhaglen waith a cherrig milltir cysylltiol eto i'w pennu</p>	<p>Rhaglen waith a cherrig milltir cysylltiol eto i'w pennu</p>

**Troseddwy
Cyson a
Blaenoriaeth
(PPO)**

Perchennog
Mike Kennedy

Mynd i'r afael ag ymddygiad troseddol y nifer fach ddi-ildio o droseddwy sy'n cyflawni nifer anghymesur o droseddau, gan niweidio cymunedau lleol

Canolbwyntio ar y materion sydd â'r flaenoriaeth fwyaf ym mhob ardal a'r troseddwy mwyaf niweidiol, yn enwedig troseddwy sy'n camddefnyddio cyffuriau

Gweithio mewn partneriaeth i ostwng aildroseddu, trwy raglen PPO a'r Rhaglen Ymyriadau Cyffuriau

Parhau i gyflwyno Gwasanaeth Premiwm PPO CJS, a ddarperir yn lleol (mae'r Gwasanaeth hwn yn cael ei yrru gan LCJB) gyda chefnogaeth leol gan asiantaethau allweddol gan gynnwys y CPS

Cyflwyno canllawiau cyfreithiol ar PPO

Adolygu cyfraniad y CPS at Wasanaeth Premiwm PPO CJS a gweithredu unrhyw newidiadau angenrheidiol

Parhau i ddarparu gwasanaeth sy'n cael blaenoriaeth mewn perthynas â PPOs, a chefnogi cyflwyno Gwasanaeth Premiwm PPO CJS

**Strategaeth
Monitro a
Hysbysu
Troseddau
Casineb**

Perchnogion
Séamus Taylor
Mike Kennedy

Mae'r strategaeth yn darparu ar gyfer cofnodi, dadansoddi ac adrodd ar ddata hanfodol ynghylch erlyn digwyddiadau hiliol, digwyddiadau crefyddol, trosedd homoffobig a throsedd anabledl gwaethybol.

Gostwng canlyniadau aflwyddiannus ar droseddau casineb i 18%

Cyhoeddi adroddiadau troseddau casineb blynyddol ac Adroddiad VAW

Gwneud rhanddeiliaid a'r cyhoedd yn fwy ymwybodol o'r ffordd y bydd y CPS yn delio â throseddau casineb

Erbyn Medi 2008 - cytuno ar Adroddiad Troseddau Casineb Blynyddol ac Adroddiad VAW cysylltiedig a gwneud trefniadau i gyhoeddi

Gostwng canlyniadau aflwyddiannus ar droseddau casineb i 17%

Gostwng canlyniadau aflwyddiannus ar droseddau casineb i 16%

DIWYGIO STRWYTHUROL

Gweithgareddau busnes		2008-09		2009-10	2010-11
Teitl y prosiect	Disgrifiad o'r prosiect	Canlyniadau disgwyliedig	Cerrig milltir lefel uchel	Canlyniadau a cherrig milltir	Canlyniadau a cherrig milltir
Ailstrwythuro rhanbarthol (1:15:42) Perchennog Mike Kennedy	Gweithredu Unedau Gwaith Achosion Penodol Cymhleth (CCU)	Gwella gallu'r Gwasanaeth i ddelio'n effeithiol ac effeithlon â gwaith achosion penodol cymhleth ar lefel Ranbarthol trwy weithredu Uned Gwaith Achosion Penodol Cymhleth o fewn pob un o'r 14 Grŵp, ac yn CPS Llundain	Erbyn Mehefin 2008 - sefydlu rhwydwaith o CCU gan roi sicrwydd eu bod yn cydymffurfio â'r Glasbrint, hwyluso hyfforddiant arbenigol a rhannu arferion gorau	Erbyn Ebrill 2009 - gwerthuso'r rhaglen, gan arwain at gynlluniau i gael gwelliannau pellach	Diwylliant o welliant parhaus i'w weld o fewn CCU a Chanolfannau Gweithredu'r Grŵp, gan arwain at well effeithlonrwydd ac effeithiolrwydd
	Gweithredu Canolfannau Gweithredu'r Grŵp (GOC), a Byrddau Strategaeth y Grŵp (GSB)	Gwella gwytnwch a chynyddu effeithiolrwydd ac effeithlonrwydd trwy weithredu'r 14 Grŵp a GSB gan fanteisio ar gyfleoedd i ddefnyddio adnoddau medrus yn fwy effeithiol ar draws ffiniau Rhanbarthau o fewn Grwpiau a chyda gwell arbedion maint a medrau	Gorffennaf 2008 - isafswm staff i weithredu'r model GOC wrth eu gwaith Medi 2008 - gweithredu fframwaith a mesurau safonau perfformiad gofynnol	Erbyn Ebrill 2009 - gwerthuso'r rhaglen gan arwain at gynlluniau i sicrhau gwelliannau pellach	

**Gweithredu
Adolygiad
Pencadlys (HQ)
y CPS**

Perchennog
John Graham

Pwrpas Adolygiad y Pencadlys yw egluro rôl y pencadlys, nawr ac yn y dyfodol, trwy ddatblygu cynigion ar gyfer strwythur a swyddogaeth pencadlys modern

Fe fydd yn edrych hefyd ar gynyddu cyfleoedd i rannu gwasanaethau gyda sefydliadau eraill y llywodraeth

Strwythur terfynol y pencadlys a chynllun gweithredu ar gyfer cyflawni ar draws y cyfnod tair blynedd

Bydd y newidiadau i'r pencadlys yn arwain at ostyngiad o 5% y flwyddyn o leiaf mewn costau gweinyddol a chefnogi'r nod o gyfeirio cymaint o adnoddau â phosib i gyflwyno yn y rheng flaen

Erbyn diwedd Ebrill 2008 - cwblhau strwythur manwl y pencadlys a lefelau staffio ar gyfer pob cyfarwyddiaeth

Cam o newid sylweddol tuag at pencadlys modern wedi'i symleiddio, gyda chraidd strategol o bobl yn Llundain

Gostyngiad pellach o 5% mewn costau gweinyddol

Pencadlys modern wedi'i symleiddio gyda chraidd strategol o bobl yn Llundain

Gostyngiad pellach o 5% mewn costau gweinyddol



Y Côt

SICRHAU EIN BOD YN ARWAIN, RHEOLI AC YMGYSYLLTU

Gweithgareddau busnes		2008-09		2009-10	2010-11
Teitl y prosiect	Disgrifiad o'r prosiect	Canlyniadau disgwyliedig	Cerrig milltir lefel uchel	Canlyniadau a cherrig milltir	Canlyniadau a cherrig milltir
Sicrhau ein bod yn arwain...					
<p>Cefnogi Arweiniad</p> <p>Perchennog Ros McCool</p>	<p>Sefydlu model arweiniad y CPS mewn strwythurau recriwtio, cyflwyno, rheoli talent, llywodraethu</p> <p>Darparu hyfforddiant a chefnogaeth i staff ar bob lefel i reoli ac arwain yn hyderus</p>	<p>Darparu archwiliad llawn o ymddygiad arweiniad</p> <p>Nodi'r rhai â thalent am arwain</p> <p>Gwell sgiliau arwain</p> <p>Rhaglenni newydd ar arwain a datblygu ym maes rheoli sy'n canolbwyntio'n glir ar anghenion busnes y CPS</p>	<p>Erbyn Ebrill 2008 - cytundebau perfformiad Prif Erlynydd y Goron/Uwch Was Sifil wedi'u sefydlu</p> <p>Erbyn Mehefin 2008 - cytuno ar strategaeth rheoli talent</p> <p>Erbyn Tachwedd 2008 - hysbysu uwch reolwyr am ganlyniadau cychwynnol cynllunio olyniaeth</p> <p>Erbyn Mawrth 2009 - gwerthuso'r cam cychwynnol i ddangos gwell sgiliau arwain ar draws y CPS</p>	<p>Gwell adborth yn yr arolwg staff ac Asesiadau Perfformiad Cyffredinol yn ymwneud â rheoli newid ac arweiniad Rhanbarthol</p>	<p>Ymddygiad arwain yn gynyddol ragorol ym mhob rhan o'r CPS fel y dangosir gan hyder yn yr uwch reolwyr heb yr un Rhanbarth yn cael cyfradd sâl ar gyfer arweiniad mewn Asesiadau Perfformiad Cyffredinol</p>

Sicrhau ein bod yn rheoli...

Rheoli'n Well

Perchennog
Ros McCool

Egluro rôl ac awdurdod rheolwyr, gan sicrhau bod ganddynt y dulliau addas i wneud eu gwaith, gan gynnwys sgiliau rheoli perfformiad effeithiol

Yr holl staff yn cael adolygiadau rheolaidd yn unol â'r broses Adolygu Perfformiad a Datblygiad (PDR) a chael yr adborth angenrheidiol i'w helpu i wella'r hyn a wnânt
Rheolwyr yn ymgymryd â rheoli perfformiad trwyadl a theg

Dangosyddion rheoli o fewn mesurau pobl wedi'u hasesu gan Ranbarthau gyda'r system Adolygu Perfformiad Rhanbarthol (APR)

Arolwg Staff yn dangos cynnydd yn nifer y staff sy'n credu bod perfformiad gwael yn cael ei reoli'n dda

CPS yn cyflawni statws Buddsoddwyr mewn Pobl (liP) corfforaethol
Nifer y staff sy'n credu bod perfformiad gwael yn cael ei reoli'n dda yn hanner uchaf y gwasanaeth sifil

Cyflwyno rhaglen o adolygiadau polisi Adnoddau Dynol sy'n cefnogi rheolwyr

Polisiau newydd a diwygiedig wedi'u sefydlu yn arferion gwaith rheolwyr a staff

Cyhoeddi amserlen ar gyfer polisiau newydd a diwygiedig

Adolygu egwyddorion datblygu polisi

Canlyniadau arolwg staff yn dangos gwelliant yn y dangosyddion allweddol

Datblygu a gweithredu strategaeth rheoli mynychu

Systemau a chefnogaeth yn eu lle i helpu rheolwyr i wella cyfraddau absenoldeb ble nad ydynt yn cadw at y targed

Cytuno ar strategaeth dair blynedd gyda'r Bwrdd Strategaeth Adnoddau Dynol

Cyflwyno llinyn lles y strategaeth gyffredinol ar bobl

Absenoldeb salwch yn gostwng i'r lefel isaf a geir mewn sefydliadau sy'n gymaryddion

SICRHAU EIN BOD YN ARWAIN, RHEOLI AC YMGYSYLLTU

Gweithgareddau busnes		2008-09		2009-10	2010-11
Teitl y prosiect	Disgrifiad o'r prosiect	Canlyniadau disgwylidiedig	Cerrig milltir lefel uchel	Canlyniadau a cherrig milltir	Canlyniadau a cherrig milltir
<p>Rheoli gwybodaeth bersonol yn ddiogel ar bob cam</p> <p>Perchennog David Jones</p>	<p>Cydnabod yr adolygiad ar drefniadau trin data o fewn y llywodraeth</p> <p>Gweithredu'r gofynion gorfodol i sicrhau bod y sefydliad yn nodi a rheoli ei risgiau gwybodaeth</p>	<p>Sicrhau bod gwybodaeth yn cael ei diogelu i'r safon a fynnir gan y llywodraeth a'r safonau disgwylidiedig gan swyddfa'r Comisiynydd Gwybodaeth</p>	<p>Mehefin 2008 - cynllun manwl yn trafod sut y rhoddir sylw i'r gofynion</p> <p>Gorffennaf 2008-Mawrth 2009 - gweithredu'r gofynion</p>	<p>Parhau i gydymffurfio â'r gyfres system reoli diogelwch</p>	<p>Parhau i gydymffurfio â'r gyfres system reoli diogelwch</p>
<p>Rhaglen Glasbrint Gweithredol - model ar gyfer cyflwyno gwasanaethau rheng flaen, lleol yn y dyfodol</p> <p>Perchennog Mike Kennedy</p>	<p>Mae'r rhaglen hon yn ceisio disgrifio model cytûn o egwyddorion er mwyn cyflwyno gwasanaethau rheng flaen yn y dyfodol</p> <p>Bydd y model yn cael ei ddefnyddio, yn gyntaf, i nodi unrhyw fylchau yn y rhaglen flaenoriaeth bresennol y mae'n rhaid ymdrin â nhw ac, yn ail, i hysbysu'r busnes yn y tymor hir am effeithiau unrhyw newidiadau a awgrymir o ran cyflwyno yn y rheng flaen</p>	<p>Datblygu Glasbrint Gweithredol ar gyfer gwasanaethau rheng flaen lleol</p> <p>Model ar gyfer y CPS i'r dyfodol gydag arferion a phrosesau gwaith cytûn, y wybodaeth sy'n ofynnol a'r dechnoleg a fydd yn angenrheidiol i gyflwyno'r galluoedd yn y model gweithredol</p>	<p>Medi 2008 - Cyflwyno Glasbrint Gweithredol a Chynllun y Rhaglen i Fwrdd y CPS i gael sêl bendith</p> <p>Hydref 2008 - os bydd y cynllun yn cael sêl bendith, dechrau ei roi ar waith yn genedlaethol</p>	<p>Erbyn Mawrth 2010 - gwasanaeth safonol, cyson ac o safon uchel yn cael ei ddarparu ar draws pob uned weithredol yng Nghymru a Lloegr (gan sicrhau'r gwerth gorau posib am yr arian, ac yn unol â gweledigaeth y CPS)</p>	<p>Erbyn Mawrth 2011 - gweithrediadau rheng flaen yn cael eu trefnu a'u bod yn hyblyg er mwyn cwrrd â gofynion busnes cyfredol ac yn y dyfodol</p> <p>Diwylliant o welliant parhaus ar draws ein gweithrediadau</p>

Sicrhau ein bod yn ymgysylltu...

Ymgysylltu â staff

Perchennog
Ros McCool

Datblygu rhaglen i ymgorffori gwerthoedd y CPS

Sefydlu mesuriad llinell sylfaen ar ddyfnder dealltwriaeth a gwerthfawrogiad o weledigaeth a gwerthoedd y CPS

Mai 2008 – cynnal arolwg staff

Arolwg staff yn dangos bod staff yn deall a derbyn datganiad gweledigaeth a gwerthoedd y CPS

Gwell canlyniadau yn yr arolwg staff ar ymgysylltu

Agenda Ymgysylltu Cymunedol (CE)

Perchennog
Séamus Taylor

Mae agenda ymgysylltu cymunedol y CPS yn ceisio ymgynghori â chymunedau a'u cynnwys yn ein polisïau a'n cynlluniau

Cynyddu ymgysylltiad rhanddeiliaid cymunedol (ar lefel Ranbarthol a Grŵp) a bodlonrwydd

Cynyddu llwyddiant wrth erlyn troseddau casineb

Cynyddu nifer y Rhanbarthau a ystyrir yn wyrdd ar CE a llai o Ranbarthau yn cael eu hystyried yn ambr a choch

Erbyn Ebrill 2008 - Paneli Craffu ar Drosedd Casineb (HCSP) yn eu lle ym mhob Rhanbarth y CPS ac yn cwrdd bob chwarter

Erbyn Hydref 2008 - strategaeth CE yn ei lle ar gyfer pob Grŵp

Parhau i weithredu HCSP a CIP
Mesur bodlonrwydd cyfranogwyr gyda HCSP a CIP

Mesur effaith HCSP ar y gyfradd athreuliad

Adolygu a mireinio HCSP a CIP

SICRHAU EIN BOD YN ARWAIN, RHEOLI AC YMGYSYLLTU

Gweithgareddau busnes		2008-09		2009-10	2010-11
Teitl y prosiect	Disgrifiad o'r prosiect	Canlyniadau disgwyliedig	Cerrig milltir lefel uchel	Canlyniadau a cherrig milltir	Canlyniadau a cherrig milltir
<p>Cyflwyno Strategaeth Gyfathrebu Genedlaethol newydd y CPS</p> <p>Perchennog Pam Teare</p>	<p>Mae'r strategaeth yn amlinellu'r amgylchedd weithredu y bydd y CPS yn cyfathrebu gyferbyn ag ef. Mae'n cynnwys amcanion a rhai camau gweithredu a argymhellir ar gyfer cyfathrebu'n fewnol ac allanol rhwng 2008 a 2011</p>	<p>Sefydlu rhwydwaith cyfathrebu effeithiol ar draws y CPS, ynghyd â blaenoriaethau ac ymdriniaethau cyson, i roi sail ar gyfer gwella ymwybyddiaeth a hyder y cyhoedd, a gwella morâl y staff</p>	<p>Ionawr-Mawrth 2009 - adolygiad thematig o gyfathrebu ar draws Rhanbarthau i feincnodi perfformiad</p>	<p>Ymarferiad holi barn y cyhoedd i fesur yr effaith ar ymwybyddiaeth Yr ail ddigwyddiad i roi gwobrau cenedlaethol i staff</p>	<p>Adolygu'r strategaeth a gwneud gwelliannau yn sgil holi barn y cyhoedd a data arolwg staff</p> <p>Gwelliant yng nghanlyniad arolwg staff ynghylch pobl yn teimlo eu bod yn cael eu hysbysu'n well</p>
<p>Ymgysylltu â phartneriaethau CDRP trwy'r byrddau LCJB</p> <p>Perchennog Mike Kennedy</p>	<p>Gweithio mewn partneriaeth â'n cydweithwyr LCJB, ymgysylltu â Phartneriaethau Gostwng Troseddu ac Anhrefn (CDRP) i hysbysu'r broses o flaenoriaethu gweithgarwch y CJS yn lleol a helpu i gyflwyno'r Strategaeth Droseddu</p>	<p>Canolbwyntio mwy ar flaenoriaethau lleol o fewn cynllunio ar draws y CJS ar lefel Ranbarthol, gan gyfrannu at wella hyder yn y CJS</p>	<p>Erbyn Hydref 2008 - Rhanbarthau'r CPS yn cyfrannu at gynlluniau tair blynedd yr LCJB gyda manylion ynghylch sut byddant yn cefnogi cyflwyno'r Strategaeth Droseddu yn lleol</p>	<p>Erbyn Ebrill 2009 - Rhanbarthau'r CPS yn cyfrannu at adolygiad yr LCJB o berfformiad yn erbyn dangosyddion</p>	<p>Y CPS yn chwarae rhan lawn yng ngweithredoedd yr LCJB i fynd i'r afael â blaenoriaethau lleol</p>

**Cymorth
Cyfreithiol
Cydfuddiannol
gyda gwledydd
eraill**

Perchennog
Roger Daw

Gwell defnydd o dystiolaeth a gesglir dramor yn arwain at erlyniadau mwy effeithiol ac o bosib rhagor o bledion euog cynnar

Gweithredu cydgymorth cyfreithiol (MLA) yn fwy effeithiol o fewn y CPS
Rhaglen y CPS o ymgysylltu mewn gwledydd blaenoriaeth bennaf

Erbyn Mehefin 2008 - ymgorffori system gyfathrebu ar MLA gydag Unedau Gwaith Achosion Penodol Cymhleth
Cydwethredu agosach gyda gwledydd blaenoriaeth

Perfformiad y CPS ar MLA yn parhau i wella

Perfformiad y CPS ar MLA yn parhau i wella
CPS yn cael ei weld fel canolfan ragoriaeth ar MLA

**Adeiladu gallu yn
rhyngwladol**

Perchennog
Roger Daw

Cymorth i bartneriaid tramor i adeiladu sefydliadau cyfiawnder troseddol

Y CPS yn bartner o ddewis ar gyfer prosiectau cyfiawnder troseddol
Lleihau'r niwed i'r Deyrnas Unedig, gydag effaith gadarnhaol ar fusnes y CPS

Mehefin 2008 - nodi gwledydd a sefydliadau blaenoriaeth, a llunio canllawiau i alluogi'r CPS i ddilyn dull strategol, corfforaethol o ran gwaith adeiladu gallu

Adolygu blaenoriaethau yn rheolaidd
Parhau i ymgysylltu mewn gwledydd blaenoriaeth dethol
Systemau monitro a gwerthuso yn sicrhau arferion da

Adolygu blaenoriaethau yn rheolaidd
Parhau i ymgysylltu mewn gwledydd blaenoriaeth dethol
Systemau monitro a gwerthuso yn sicrhau arferion da

Pencadlys Gwasanaeth Erlyn y Goron

50 Ludgate Hill,
Llundain EC4M 7EX
Ffôn: 020 7796 8000

Cyfeiriad gwefan:
www.cps.gov.uk

Cyfeiriad e-bost ar gyfer ymholiadau a
sylwadau:
enquiries@cps.gsi.gov.uk

Gallwch anfon cwynion at:
complaints@cps.gsi.gov.uk

Canolfan Ymholiadau'r Cyhoedd,
Ffôn: 020 7796 8500

 Dyluniwyd gan écouter creative cyf
e-bost: info@ecoutez.co.uk

Mai 2008

